

**Cogitationes, Sive Considerationes Christianae Pro
singulis Anni diebus**

Complectens Aprilem, Majum, Junium

Nepveu, François

Monachii, 1709

Dies 20. De munere, quod vero Christiano incumbit Christum sequendi.

[urn:nbn:de:hbz:466:1-60514](#)

*Examina te, ut videas, an nomen servi Ma- Majus.
riæ merearis atque inde judicare possis, an
commoda huic nomini annexa exigere possis.*

*Qui audit me, non confundetur; qui o-
perantur in me, non peccabunt. Eccli. 24.30.*

*Si Mariam diligitis, si vultis ei placere,
æmulamini. Bernard.*

DIES XX.

De Necessitate, quæ vero Chri- stiano incumbit, Christum se- quendi.

I.

ESne Christianus? Quæstio videtur in-
utilis; sed forsan injusta non est, quan-
doquidem hoc dubium fundamento non
caret. Usum rationis vix attigeras, cùm
hæc quæstio tibi proponebatur; innocen-
tia ætatis tuæ, te, quod verum erat, respon-
dere docuit. Potésne etiamnum hunc in
modum respondere? verum est, te nomen
Christiani gerere; sed, an tanti mensu-
ram nominis imples? characterem quidem
eius habes: sed agisne vitam eidem con-
gruam? credisne modicum aquæ,
quo in sacro fonte tinctus es, perfe-
ctum te Christianum effecisse? necessarium
hoc est; sed non sufficit. Quid est esse
Chri-

Christianum? est esse hominem, qui proficitur, se Christum sequi, imitari. An eum sequeris? an eum imitaris? si ita res se habet, verus es Christianus.

II. Quid est esse Christianum? est esse eum, qui sibi Christum proponit velut exemplar, Evangelium, & Christi vitam veluti vitae suæ regulam; qui divini hujus archetypi evadere conatur ectyon; ita, ut, dum quis ipsum intuetur, se Christum inueniri credat; idcirco, quod omnia ejus lineamenta, ut ita dicam, in se exprimat, & dicere cum Apostolo possit, se virtù Christi vivere, vel potius Christum in ipso vivere. Hæc est effigies hominis Christiani. Estne hæc etiam tua? cognoscisne te ex hisce lineamentis? si ita est, Christianus es; sin verò, injuriâ hoc tibi nomen tribuis; fidelis enim nomine, re infidelis es; Christianus in speciem, ethnicus reapse. Quale monstrum! Ectyon Christi esse debes, si Christianus es. Si quis judicare velit, an Ectyon non aberret ab archetypo, unum cum altero componit, & singulos utriusque ductus examinat; comparationem si facis, quantum ea tibi ruborem iniiciet, dum tibi monstrabit, quantopere ab hoc divino exemplari dis-
tinguias!

III. Chri-

III. Christus est humilis ; tu superbus inanis gloriae sectator es. Ille abhorret honores, & fugit ; tu ijs cum ardore inhiias. Ille mitis fuit, & patiens ; tu ferre nihil potes. Ille atrocissimas injurias remittit, tu vel levissimas condonare non vis. Ille ipsos suos amavit tortores; & tu fratres tuos amare non potes. Ille fuit pauper, ita ut nudus prorsus moreretur ; & tu bonis terrenis supra modum addictus es. Ille vitam egit perpetuò asperam, & austera ; tu vitam mollem, & suavem sectaris. Ille sibi delicias etiam innocentissimas negavit ; tu periculosisimas, & forsan immoderatissimas tibi permitris. Ille fuit obediens usque ad mortem Crucis ; tu in rebus facillimis obedire renuis. Ille in re nulla seipsum quæsivit ; tu in omnibus te quæris. Potestne major esse oppositio, & quod consequens est, manifestior reprobationis character ? nónne Christi è cruce pendentis imago, quæ tibi in morte exhibebitur, ut te ad confidentiam animet, te condemnabit ? mors Christi inutilis tibi erit, si ipsius vitam tibi non statueris vivendi regulam ? si ex ipsius exemplis non profeceris, ex ejus meritis utilitatem non percipies. Nec Servator tuus erit, si exemplar tuum non fuerit,

L

Com-

Majus.

*Compara te cum divino hoc archetypo, ut vi-
deas, an ex hisce lineamentis te cognoscas.*

*Magister, sequar te, quocunque ieris.
Matth. 8.19.*

*Frustra sum Christianus, si Christum
non sequor. Bern.*

DIES XXI.

De Mysteriis vitæ Christi oc-
cultæ.

I.

Quis Christi Consilium in vita sua oc-
cultæ comprehendere potest? Is ve-
nit animabus in salutis viam perducendis
daturus operam, & triginta ipsos annos in
Officina opificis perseverat, ut vitam in
ea obscuram, &c., ut videtur, inutilem
agat. Cur tam ardente Zelum loco tam
ignobili includit? cur lumen adeò rutilans
sub modio abscondit? cur tam admiranda
talenta sepelit? cur mundum non percur-
rit, ut eum doctrinâ suâ instruat, virtu-
tum exemplis ei præluceat, suis miraculis
in stuporem rapiat, vitæ suæ sanctitate,
& verbi divini virtute ad meliorem fru-
gem convertat? cur denique triginta ipsos
annos nihil agendo transigit; cùm intra
hoc